

Moi ersti Woiprob'.

In unserm Keller hat gelege
A klänes Fäßje gute Woi
Un der gold'ne Bewesege,
Der wor von Bodenheim am Rhoi.
Un unser Mudder fillt in Flasche
Den Woi jetz mit em Gummischlauch,
Die Händcher in de Scherzedasche
Sou guck' ich zu dem alte Brauch.
Die Mudder dud die Flasche trage,
Hant si dann nachde anner weg
Un läicht se, ohne was zu sage
In's Woigestell im Kellereck.
Inzwische hab' ich mich besunne,
- Woi Mudder hatt' do druff nit acht -
Un hab' in unserm Keller drunne
Mich an den Gummischlauch gemacht.
Un wie des Fäßje leergelaufe
- E jedi Arweit find' e End'-
Do drickt se, daß ich Vecksoll kaufe
In klüne Korb mir in die Händ'.
Im Halbberg bin ich inegefalle
Un kann fast nimmer weitergäh'n,
Im Bäckerlade du ich lalle
Un kann wahrhaftig nit mehr stäh'n.
Die Bäckersfrau stäht wie uff Kohle
Un schickt zu moiner Mudder hie
Sie soll sofort ihr Kind doch hole,
Is werd rer angst, sie wäß nit wie.
Nicht moiner Mudder, sie ded glaawe,
- 's wär schäd, sie hätt' mich wirklich gern -
Ich mißt' die fallend Krankheit hawwe,
Wie wär' dann sunst des zu erklären.
Moi Mudder hat des kaum vernumme
Hat uffgeschnauft un hat gelacht
Un hat mich uff de Orm genumme,
Des hat de erst' Schluck Woi gemacht.